

DEO OPT. MAX. VNI ET TRINO, VIRGINI DEIPARÆ, ET S. LVCÆ ORTHODOX. MEDICORVM PATRONO.

Q.VÆSTIO MEDICA,
QVODLIBETARIIS DISPVATIONIBVS MANE DISCVTIENDA
IN SCHOLIS MEDICORVM, DIE IOVIS XII. DECEMBRIS,
M. LVDOVICO LE NOIR, Doctore Medico Moderatore.

An Maribus, vt Feminis gravissimi ex Veneris abstinencia affectus?

972

NON minùs peccant in suam valetudinem qui ætatis & naturæ beneficio validi, Venerè penitus abstinent, quàm qui petulantius ipsam exercent: Sed horum numerus longè maior, hoc siquidem cupiditatis genere nihil facilius accenditur, sed nec quidquam facilius recrudescit. Vndique circumfunditur, & per vias omnes influit, cantu, visu, consuetudine, balneo, cibo, potu, somno, opportunis Veneris antecessoribus. Eius tyrannidem adeo ferè cuncti experiuntur, vt ne his quidem perpetuò parcat, qui solent perpetua celebrare Nephalia. Ipse alimenta sibi maxima præbet Amor, multique evenit, vt dum cum exter hos plures qui Sapphus mores, quàm qui ingenium æmulentur. Rariora proinde ex retento, quàm ex profuso semine mala, sed sanè graviora, passimque *aliarum*, quod vtpotissimum in illos incidant, quos neque pudor morbi causam detegere, neque vitæ institutum ac Virginitatis propositum, patitur genus remedij promptum atque idoneum adhibere.

FREQVENTIORIS Veneris vsus ea ferè profert symptomata, quæ immoderatas vacationes consequuntur: eiusdem planè neglectum studium non leviora interdum accersit, quàm quæ ex hausto veneno oriuntur: ita nempe ad secundam valetudinem refert, vacuum sit excrementis corpus, vt non alia sit frequentior morborum causa. Et ferè leviores sunt, quos peregrinus, periculosiores quos Naturæ familiaris excitat humor, maximè cum à nativæ indole, suæque conditione deficiens, planè in contrariam recidit: Sic pane, optimo cibi genere repleti, pessimum: sic corruptus crudulæ chylus contumaces affectus parit, in ditiorebus præsertim ac delicatis: eò longè deteriores Naturæ thesaurus sanguis, qui quamdiu purus est, ad animalis salutem; cum redundat, in grumos cogitur, putredinem, ac gangrenam subit, ad eiusdem se convertit perniciem, vnde Ictus semper calamitosus, Epilepsia, Stoliditas, Febres varij generis, ipsa denique mortis prænuntia Syncope. Sanguine ipso quantò præstantius est, & maiore operâ elaboratum semen, tantò & vehementiores invehit morbos: huius vitio multi elati reviviscunt, sed vt sæpius deinceps videantur interire. Ita ne verò facile putret clausum vesiculis Semen, cuius quantumcumque sit copia, certè perexigua est? Vides vt hausta è flumine aqua vitium capit, si in stula diutius asservetur immota, in ipso flumine vel mari numquam.

MARIS & Feminae vt idem ferè est in Venerem ardor ac impetus, sic quod ad Seminis productionem. At, par ratio, nisi quod à validiori calore, laudabiliorque sanguine copiosius in illo cumulatur. Cibi præsertimque vini liberaliore vsu accenditur; Mulierum Maribus formosiorum (vtpote quæ Iyngem ac Veneris Cestum habent) conspectu proprijs in conceptaculis turget, ac velut ebullit: Testibus denique eius materia è qua fieri amat, nihil vt in feminis singulo quoque mense tacite à Natura subducitur. Tot ex causis frequentius promptiusque in Viris exuperat, ac si quando loci impatiens hospiti suo grave esse incipiat, vt nec frænum injici, nec eius reprimi feritas possit, vbi non amplius patitur regi se à calore nativo, tumultuatur, fervorem, putredinem, sæpe & ferinam inducit qualitatem, imò aliquando veneni vires, ac conditionem obtinet, vt proflus venenum fiat in corpore vivente. Hinc sæpe videas Viros perinde ac Feminas stupendis divexari morbis, atque symptomatis, & quidem erudito Medico dignis, nec vlli his magis obnoxij, quàm sanguinei, & qui iustum temperamenti modum sunt consequuti. Sic illis vulgò infensa Venus est, quibus fuit invisa, penèque evenit utriusque sexus hominibus, vt lucis vsu-ram amittant, cum eam alijs conferre prohibentur, aut recusant.

SEMINIS redundantiam (cui non semper medetur commodè venæ sectio, labor, *diapnoia*) nisi licita Venus humanæ pars melior vitæ minuerit, morbos expecta quam plurimos, ægro tædium, negotium Medico maximum creaturos. Mille modis exercet miseros Amantes, & cum semel in eos se invicem cepit, nullam partem suæ finit offensionis expertem: Plethorâ premitur corpus; nec solum Testes, pudenda-que partes prima mali labes affigit Tumore, Tensione, Dolo, Priapismo, Gonorrhœa, & Vrinæ ardore; latius manat eius perniciem, & Facultatibus, partibusque Principibus bellum indicit, nullo personarum & sexus discrimine. Occurrat pallida, decolor, Ictero-ve laborans Virgo, doles illius vicem, optasque promptas ipsi parari nuptias. Scito verò easdem fore huic Aurigino adolescenti non minùs salutare. Quod huic ipsi sit Concitator alvus, cui Venus apprimè medetur; nullo Cibi desiderio tangatur Stomachus, Ingesta non completatur Ventriculus, Macie & Languore confectum corpus nullis remedijs, nullis iuvetur alimentis, sed solo Aphrodisiaco instauratur, tum demum mirari desines, cum intellexeris quo fonte mali tanta sit derivata clades, quæ vel ad arcem vitæ Cor propagatur, ac Febre Spermaticâ Veteribus cognita, sed indicia, Lipothymia, Syncope, Palpitatione, Pulsu inordinato, inæquali, confuso, nec aliter Amatorio innoscit.

NEC paucioribus patet iniurijs Cerebrum, quanvis ab ijs partibus longè sit distitum, in quibus coërcitum Semen cæcâ putredinis labe inficitur. Cum venenatâ illius aurâ quatitur, ipso licet Hercule valentior æger corrui Epileptico laceratus insultu, à quo non antè immunis fuerit quàm in *epilepsia* quidpiam Epilepticum sit expertus. Est & vbi malè ipsum habet Aponia, Dyspnœa, Vertigo, Stupor, Cephalalgia, Sopor, Vigilia, Incubus, Hysterica suffocatio, non adeo Feminarum propria, quin & simili planè affectu, sed & alio (si lubet) nomine donando Viri corripiantur, quemadmodum & Furore ac rabioso illo Delirio, sub quo miseri amantes nihil aliud obloquuntur & cogitant, præter invicemdam Venerem, cuius desiderio pruriunt, æstuant & rumpuntur. In hoc etiam censu est Erotomania cognata Melancholia, omnium qui ex amore oriuntur, affectuum deterrima, & quæ varijs se prodit modis, nempe alius consortium hominum fugit, vt in Domina se totus imagine verset: alius dum rei amatæ compos fiat, ne centies quidem recuset mortis adire periculum: alius vitæ peritus mortem sibi consciscit: tantum denique valet Seminis immoderata suppressio, vt vix sit alia causa frequentior sitæ Daemonomanias, quâ vix quemquam laborare audias, qui Naturæ sacra faciat, sæpius autem Succulentas, Celibes, Virgines Dæmonem non amplius mentitur, si quod Exorcismo fuerit proximum, nubere liceat.

Ergo Maribus vt Feminis gravissimi ex Veneris abstinencia Affectus.

Proponebat Lutetia BERTINVS DIEVXIVOYE, Cenomanus, A. R. S. H. M. DC. XLVII.

DOMINI DOCTORES DISPVATVRI.

M. Paulus Courtois.

M. Petrus Morian.

M. Guillelmus Petit.

M. Ioannes le Preuost.

M. Nicolaus Gresson.

M. Ioannes Confin.

M. Robertus Tuloie.

M. Dionysius le Soubz.

M. Bartholomæus Baralis, Medicus Regius.

